

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaat pillugit inatsisissatut siunnersuummut (Tarnikkut nakuuserfigineqarneq pillugu aalajangersagaq immikkoortoq) aamma Pillaasarnermik inatsisip allanngortinneqarnerata ilaanik aamma inatsisit assigiinngitsut allat Kalaallit Nunaannut atuutilersinnissaat pillugu peqqussummut missingiut pillugit Inatsisartut aalajangiiffigisassaattut siunnersuut (Aatsitassanut Inatsisillu Atuutsinneqarnerannut Naalakkersuisoq)

Akissuteqaat

(Aatsitassanut Inatsisillu Atuutsinneqarnerannut Naalakkersuisoq)

Aappassaaneernejarnera

Inatsisartut aalajangiiffigisassaattut siunnersuummut matumunnga Inatsisinut Ataatsimiititaliap peqqissaartumik suliaqarsimanera pillugu Naalakkersuisut qutsavigiumavaat.

Ataatsimiititaliap isumaqatigiissup siunnersuut akuersissutigimmassuk Naalakkersuisut nuannaarutigaa. Taannami aamma Istanbul-imi isumaqatigiissummi pisussaaffiit naammassineqarnissaannut pingaaruteqartut ilagaat.

Tarnikkut nakuuserfigineqarneq qanoq kinguneqartarnersoq pillugu paasititsiniaasoqarnissaa pingaaruteqarmat Naalakkersuisut isumaqatigaat. Taamaammat qanigisariinni nakuuserarneq pillugu iliussissanut pilersaarummi tamanna aamma sillimaffigineqarpoq, tassami tarnikkut nakuuserfigineqarneq pillugu pisortanik oqaloqatiginnittarnerup pitsanngorsarneqarnissaa siunnersuutigineqarmat, assersuutigalugu nunami tamarmi tarnikkut nakuuserfigineqarneq pillugu paasititsiniaanikkut, kiisalu nakuuserfigineqarsimasunut siunnersuinikkut nakuuserfigineqarneq pillugu oqaluttuanik misigisimasanillu avitseqateqarsinnaanernik periarfissiinikkut.

Piffissaq ungasinnerisoq eqqarsaatigalugu amerlanerusut eqqartuunneqarnissaat anguniarneqanngilaq, kisianni amerlanerit inuttut killissarititanik ataqqinninnissaat anguniarneqarluni, taamaalilluni innarliinerit pissanngimmata. Taanna qulakkeerinneqataaffigissavarput.

Taama oqaaseqarlutik allanilu oqaaseqaateqaratik Naalakkersuisut siunnersuutip aappassaaneernejarnissaanut tunniuppaat.